

後漢書

二十五



卓魯魏劉列傳第十五

范曄 後漢書

卓茂傳

卓茂字子康南陽宛人也父祖皆至郡守茂元帝

時學於長安事博士江生

江生魯人江翁也昭帝時為博士號魯詩宗見前書

習

詩禮及歷筭究極師法稱為通儒性寬仁恭愛鄉

黨故舊雖行能與茂不同而皆愛慕欣欣焉

東觀記曰茂為

人括蕩樂道推實不為華貌行已在於清濁之間白束髮至白首與人未嘗有爭競

初辟丞相府史

事孔光光稱為長者時嘗出行有人認其馬茂問

曰子亡馬幾何時對曰月餘日矣茂有馬數年心

知其謬嘿解與之挽車去顧曰若非公馬幸至丞

相府歸我他日馬主別得亡者乃詣府送馬叩頭

謝之茂性不好爭如此後以儒術舉為侍郎給事

黃門遷密令

密山今洛州密縣也

勞心諄諄視人如子

諄諄忠謹之貌

也詩曰誨爾諄諄諄音之順反

舉善而教口無惡言吏人親愛而不

忍欺之

家語曰密子賤為單父宰人不可欺

人常有言部亭長受其米

肉遺者

部謂所部也

茂辟左右問之曰亭長為從汝求

乎為汝有事囑之而受乎將平居自以恩意遺之

乎人曰往遺之耳茂曰遺之而受何故言邪人曰

竊聞賢明之君使人不畏吏吏不取人今我畏吏

是以遺之吏既卒受故來言耳茂曰汝為敝人矣

凡人所以貴於禽獸者以有仁愛知相敬事也今鄰里長老尚致饋遺此乃人道所以相親況吏與民乎吏顧不當乘威力強請求耳凡人之生羣居雜處故有經紀禮義以相交接汝獨不欲修之寧能高飛遠走不在人間邪亭長素善吏歲時遺之禮也人曰苟如此律何故禁之茂笑曰律設大法禮順人情今我以禮教汝汝必無怨惡以律治汝何所措其手足乎一門之內小者可論大者可殺也且歸念之於是人納其訓吏懷其恩初茂到縣有所廢置吏人笑之鄰城聞者皆蚩其不能河南

後傳十五

二

郡為置守令茂不為嫌理事自若

東觀記曰守令與茂並居久之吏人

不歸往守令

數年教化大行道不拾遺平帝時天下大蝗

河南二十餘縣皆被其災獨不入密縣界督郵言

之

漢書志曰郡縣有五部部有督郵掾以察諸縣也

太守不信自出案行見乃

服焉是時王莽秉政置大司農六部丞勸課農桑

王莽攝政置大司農部丞十二人人部政州勸課農桑今書及東觀記並言六部

遷茂為京部丞

密人老少皆涕泣隨送及莽居攝以病免歸郡常

為門下掾祭酒不肯作職吏更始立以茂為侍中

祭酒

續漢志曰侍中無負掌侍左右顧問應對本有僕射一人中與轉為祭酒

從至長安知

更始政亂以年老乞骸骨歸時光武初即位先訪

求茂茂詣河陽謁見東觀記曰茂時年七十餘矣乃下詔曰前密

令卓茂東身自脩執節淳固誠能為人所不能為

夫名冠天下當受天下重賞故武王誅紂封比干

之墓表商容之間王子比干紂殺之商容殷賢臣武王入殷命閔天封比干之墓命畢公表商容

之間表旌顯也間里門也事見史記今以茂為大傅封襄德侯食邑二

千戶東觀記曰續漢書皆作宣德侯賜几杖車馬衣一襲絮五百斤

單複具謂之襲復以茂長子戎為太中大夫次子崇為中郎

給事黃門建武四年薨賜棺槨家地車駕素服親

臨送葬子崇嗣徙封汎鄉侯官至大司農汎鄉在琅

縣崇卒子琴嗣琴音丑金反又所金反琴卒子訢嗣訢卒子隆

後傳十五

十一

嗣永元十五年隆卒無子國除初茂與同縣孔休

陳留蔡勳安眾劉宣楚國龔勝上黨鮑宣六人同

志不仕王莽時並名重當時劉攽曰案文多一時字前後言不仕王莽者多矣

不須時字也休字子泉哀帝初守新都令新都縣也屬南陽郡後王

莽秉權休去官歸家及莽篡位遣使齎玄纁束帛

請為國師遂歐血託病杜門自絕光武即位求休

勳子孫賜穀以旌顯之劉宣字子高安眾侯崇之

從弟知王莽當篡乃變名姓抱經書隱避林藪建

武初乃出光武以宣襲封安眾侯擢龔勝子賜為

上谷太守勝鮑宣事在前書勳事在玄孫邕傳

論曰建武之初雄豪方擾虜呼者連響嬰城者相

望虜虎怒也詩曰鬪如虜斯固倥偬不暇給之日字書曰倥偬窮

困也給足也日促卓茂斷斷小宰無它庸能斷斷猶專

斷何無時已七十餘矣而首加聘命優辭重禮其與

周燕之君表閭立館何異哉史記燕昭王即位欲雪齊

宮而師於是蘊憤歸道之賓蘊積也越關阻捐宗族以

排金門者衆矣夫厚性寬中近於仁犯而不校鄰

於怒校報也鄰近也曾子曰犯而不校率斯道也怨悔曷其至乎怨謂

為人所怨也悔恨也

### 魯恭傳 弟丕

後傳十五

四

魯恭字仲康扶風平陵人也其先出於魯頃公為

楚所滅遷於下邑因氏焉世吏二千石哀平間自

魯而徙祖父匡王莽時為義和有權數號曰智囊

匡設六筦之法以窮工商故曰權數父某建武初為武陵太守卒官時恭

年十二弟丕七歲晝夜號踴不絕聲郡中賻贈無

所受公羊傳曰貨財曰賻乃歸服喪禮過成人鄉里奇之十五

與母及丕俱居太學習魯詩高祖時魯申公詩也閉戶講誦絕

人間事兄弟俱為諸儒所稱學士爭歸之太尉趙

熹慕其志每歲時遣子問以酒糧皆辭不受問遺也

恭憐丕小欲先就其名託疾不仕郡數以禮請謝

不肯應母強遣之恭不得已而西因留新豐教授  
建初不舉方正恭乃始為郡吏太傅趙喜聞而辟  
之肅宗集諸儒於白虎觀恭特以經明得召與其  
議與音喜復舉恭直言待詔公車拜中牟令恭專  
以德化為理不任刑罰訟人許伯等爭由累守令  
不能決恭為平理曲直皆退而自責輟耕相讓亭  
長從人借牛而不肯還之牛主訟於恭恭召亭長  
勅令歸牛者再三猶不從恭歎曰是教化不行也  
欲解印綬去掾史泣涕共留之續漢志曰縣置掾史如郡亭長乃  
慙悔還牛詣獄受罪恭貫不問貫實貫也音時夜反於是吏人

後傳十五

五

信服建初七年郡國螟傷稼犬牙緣界不入中牟  
河南尹袁安聞之疑其不實使仁恕掾肥親往廉  
之仁恕掾主獄屬河南尹見漢官儀廉察也恭隨行阡陌俱坐桑下有雉過

止其傍傍有童兒親曰兒何不捕之兒言雉方將  
雛親瞿然而起瞿音又住反與恭訣曰所以來者欲察

君之政迹耳今蟲不犯境此一異也化及鳥獸此  
二異也豎子有仁心此三異也父留徒擾賢者耳

還府具以狀白安是歲嘉禾生恭便坐廷中便坐於便側之

處非正室也續漢書云恭謙不矜功封以三府即奏上尹以徽勞曰君以名德久屈中牟豹產之化流行天降休瑞應行而生尹甚嘉之安因上書言狀帝異之會詔百官舉賢良方

正恭薦中牟名士王方帝即徵方詣公車禮之與  
公卿所舉同方致位侍中恭在事三年州舉尤異  
會遭母喪去官吏人思之後拜侍御史和帝初立  
議遣車騎將軍竇憲與征西將軍耿秉擊匈奴恭  
上疏諫曰陛下親勞聖思日昃不食憂在軍役誠  
欲以安定北垂為人除患定萬世之計也臣伏獨  
思之未見其便社稷之計萬人之命在於一舉數  
年以來秋稼不熟人食不足倉庫空虛國無蓄積  
會新遭大憂人懷恐懼章帝崩也陛下躬大聖之德履  
至孝之行盡諒陰三年聽於冢宰百姓闕然三時

後傳十五年

六

不聞警蹕之音

三時秋夏冬也天子出警入蹕和帝章帝二年二月即位明年春議擊匈奴帝在諒

陰不出故百姓三時不聞警蹕

莫不懷思皇皇若有求而不得禮記檀弓曰曾

人顏丁善居喪始死皇皇焉如有求而不得言百姓思帝故恭引之

今乃以盛春之月興

發軍役擾動天下以事戎夷誠非所以垂恩中國  
改元正時由內及外也萬民者天之所生天愛其  
所生猶父母愛其子一物有不得其所者則天氣  
為之舛錯況於人乎故愛人者必有天報昔太王  
重人命而去邠故獲上天之祐史記古公修后稷公劉之業國人皆戴之戎程  
攻之人人皆怒欲戰古公曰人以我故戰殺人父子予不忍為  
乃與私屬盡去邠止于岐下邠人舉國扶老携弱盡復歸於岐  
下旁國聞之亦多歸附古公乃營築城郭室屋而  
邑之人皆歌頌其德武王即位追尊古公為太王夫戎狄者



四方之異氣也蹲夷踞肆與鳥獸無別夷平也肆放也言平坐踞

傲肆放無禮也若雜居中國則錯亂天氣汗辱善人是以

聖王之制羈縻不絕而已字書曰羈馬絡頭也今邊

境無事宜當修仁行義尚於無為令家給人足安

業樂產夫人道人於下則陰陽和於上祥風時雨

覆被遠方夷狄重譯而至矣易曰有孚盈缶終來

有它吉易比卦辭也孚誠信也缶土器也王弼注云親乎言

甘雨滿我之缶誠來有我而吉已比卦坤下坎上坤為

雨之象也坎在坤上故曰甘雨滿我之缶有誠信則它人來附而吉也。劉攽曰誠來有我而吉已案此文此我當作它注其甚

明夫以德勝人者昌以力勝人者亡今匈奴為鮮

後傳十五

七

卑新殺遠臧於史侯河西去塞數千里而欲乘其

虛耗利其微弱是非義之所出也前太僕祭彤遠

出塞外卒不見一胡而兵已困矣永平十六年竇固祭

出擊匈奴固至天山擊走呼衍王彤坐不白山之難不絕

如縱白山即天山也言彤固俱擊匈奴固至天山彤還下都

護陷没士卒死者如積永平末年焉耆龜茲共攻没迄

今被其辜毒孤寡哀思之心未弭仁者念之以為

累息奈何復欲襲其迹不顧患難乎今始徵發而

大司農調度不足度音文各反使者在道分部督趣趣音

促上下相迫民間之急亦已甚矣三輔并涼少雨

麥根枯焦牛死日甚此其不合天心之效也羣僚百姓咸曰不可陛下獨奈何以一人之計棄萬人之命不卹其言乎上觀天心下察人志足以知事之得失臣恐中國不為中國豈徒匈奴而已哉惟陛下留聖恩劉放曰安樂文因心當作思休罷士卒以順天心書奏不從每政事有益於人恭輒言其便無所隱諱其後拜為魯詩博士由是家法學者日盛遷侍中數召讌見問以得失賞賜因禮寵異焉遷樂安相孫千乘王寵相也和帝改千乘國為樂安國故城在今淄州高苑縣北是時東州多盜賊羣輩攻劫諸郡患之恭到重購賞開恩信說文曰以財相賂曰購

後傳十五

八

其渠帥張漢等率支黨降恭上以漢補博昌尉尉屬千乘國今青州縣也

其餘遂自相捕擊盡破平之州郡以安

永元九年徵拜議郎八月飲耐齋會章臺詔使小

黃門特引恭前其夜拜侍中勅使陪乘勞問甚渥

冬遷光祿勳選舉清平京師貴戚莫能枉其正十

二年代呂蓋為司徒漢官儀曰呂蓋字君上范陵人十五年從巡狩

南陽除子撫為郎中賜駙馬從駕駙副也非正所乘皆為副說文曰駙

馬副也時弟丕亦為侍中兄弟父子並列朝廷後坐

事策免續漢書曰坐放弟弘殤帝即位以恭為長樂

衛尉永初元年復代梁鮪為司徒漢官儀曰鮪字伯元河東平陽人也

初和帝末下令麥秋得案驗簿刑而州郡好以苛

察為政因此遂盛夏斷獄恭上疏諫曰臣伏見詔

書敬若天時若順也尚書堯典曰乃命羲和欽若昊天敬授人時憂念萬民為

崇和氣罪非殊死且勿案驗進柔良退貪殘奉時

令言順月令以行事也所以助仁德順昊天致和氣利黎民者

也舊制至立秋乃行薄刑自永元十五年以來改

用孟夏而刺史太守不深惟憂民息事之原進良

退賤之化月令曰孟夏命太尉贊桀俊遂賢良舉長大行爵出祿必當其位因以盛夏

徵召農人拘對考驗連滯無已司隸典司京師四

方是則漢官儀曰司隸校尉董領京師及三輔三河弘農而近於春月分行諸

部託言勞來貧人而無隱惻之實煩擾郡縣廉考

非急逮捕一人罪延十數逮及也辭所連及即追捕之上逆時氣

下傷農業案易五月始用事東觀記曰五月始卦用事始卦巽下乾上初六一陰

爻生五月之卦也本多作后古字通經曰后以施令誥四方誥理也易始

有風始后以施令誥四方乾為天君之象也巽為風號令之象也后君也故以喻人君施令也言君以夏

至之日施命令止四方行者所以助微陰也易復卦曰先王

以至日閉關商旅不行故夏至宜止行也五月陰氣始生故曰微陰行者尚止之況於逮召

考掠奪其時哉比年水旱傷稼人飢流冗冗散也今

始夏百穀權輿陽氣胎養之時爾雅曰權輿始也萬物皆合口胎長養之時自

三月以來陰寒不暖物當化變而不被和氣月令

孟夏斷薄刑出輕繫行秋令則苦雨數來五穀不

熟鄭玄注禮記云中申之氣乘之也苦又曰仲夏挺重囚益

其食挺猶寬也行秋令則草木零落酉之氣乘之也八月

人傷於疫大陵之氣為害也大陵星名春夫斷薄刑者

謂其輕罪已正不欲令久繫故時斷之也臣愚以

為今孟夏之制可從此令其決獄案考皆以立秋

為斷以順時節育成萬物則天地以和刑罰以清

矣初肅宗時斷獄皆以冬至之前自後論者互多

駁異鄧太后詔公卿以下會議恭議奏曰夫陰陽

之氣相扶而行發動用事各有時節若不當其時

後傳十五

十

則物隨而傷王者雖質文不同而茲道無變四時

之政行之若一月令周世所造而所據皆夏之時

也謂氣候及星辰其變者唯正朔服色犧牲徽號器

械而已夏以建寅為正服色犧牲徽號器械皆尚黑殷以建

以雞鳴為朔夏以平日為朔祭天地宗廟曰犧卜得故曰殷

因於夏禮周因於殷禮所損益可知也易曰潛龍

勿用龍以喻陽氣易言十一月十二月陽氣潛藏未

得用事雖响嗷萬物養其根芽亥草根也而猶盛

陰在上地凍水冰陽氣否隔閉而成冬故曰履霜

堅冰陰始凝也馴致其道至堅冰也易坤卦象辭也

甲順為道漸至顯者言五月微陰始起至十一月堅冰

至也夫王者之作因時為法孝章皇帝深惟古

之道助三正之微定律著令三正三微也前書音義曰

著故曰微一曰天統謂周十一月建子為正天始施之端也二

曰地統謂殷十二月建丑為正地始化之端也三曰人統謂夏

十三月建寅為正異承天心順物性命以致時雍然

從變改以來年歲不熟穀價常貴人不寧安小吏

不與國同心者率入十一月得死罪賊不問曲直

便即格殺雖有疑罪不復讞正一夫吁嗟王道為

虧況於衆乎易十二月君子以議獄緩死易中孚象

圖中孚十可令疑罪使詳其法大辟之科盡冬月乃

斷其立春在十二月中者勿以報囚如故事報囚謂

決也後卒施行恭再在公位選辟高第至列卿郡守

者數十人而其著舊大姓或不蒙薦舉至有怨望

者恭聞之曰學之不講是吾憂也講習也論語諸生

不有鄉舉者乎終無所言言人患學之不習且若此能究

公之恭性謙退奏議依經潛有補益然終不自顯

故不以剛直為稱二年以老病策罷六年年八十

一卒於家以兩子為郎長子謙為隴西太守有名

績謙子旭官至太僕從獻帝西入關與司徒王允

同謀共誅董卓及李傕入長安旭與允俱遇害

魯恭

不字叔陵性沈深好學孳孳不倦孳孳不怠之意遂杜絕

交游不答候問之禮士友常以此短之而不欣然

自得遂兼通五經以魯詩尚書教授為當世名儒後

歸郡為督郵功曹所事之將無不師友待之建初

元年肅宗詔舉賢良方正大司農劉寬舉不時對

策者百有餘人唯不在高第除為郎遷新野令視

事暮年州課第一擢拜青州刺史務在表賢明慎

刑罰七年坐事下獄司寇論司寇刑名也決罪曰論言

刑也元和元年徵再遷拜趙相門生就學者常百

餘人關東號之曰五經後與魯叔陵趙王商嘗欲

避疾商趙王良之孫便時移住學官不止不聽學官謂王

乃上疏自言詔書下不奏曰臣聞禮諸侯薨於

路寢大夫卒於嫡室路寢嫡室皆正寢禮喪大記之文死生有命未

有逃避之典也學官傳五帝之道修先王禮樂教

化之處王欲廢塞以廣游讌事不可聽詔從不言

王以此憚之其後帝巡狩之趙特被引見難問經

傳厚加賞賜在職六年嘉瑞屢降吏人重之永元

二年遷東郡太守不在一郡為人修通漑灌百姓

殷富數薦達幽隱名士續漢書曰薦王龍等皆備惟暉近臣明年拜陳

留太守視事三暮後坐直稟負人不實徵司寇論十

一年復徵再遷中散大夫續漢志曰秩六百石無負時侍中賈逵

薦不道藝深明宜見任用和帝因朝會召見諸儒

不與侍中賈逵尚書令黃香等相難數事帝善其

說罷朝特賜冠幘履鞮衣一襲不因上疏曰臣以

愚頑顯備大位犬馬氣衰猥得進見論難於前無

所甄明甄別也衣服之賜誠為優過臣聞說經者傳

先聖之言非從己出不得相讓則道不明若規矩

權衡之不可枉也規圓也矩方也難者必明其據說

者務立其義浮華無用之言不陳於前故精思不

勞而道術愈章法異者各令自說師法博觀其義

後傳十五

十三

覽詩人之言意察雅頌之終始明舜禹臯陶之相

戒尚書帝舜謂禹曰臣作朕股肱耳目禹戒舜曰安汝止慎乃

威若時惟帝其難之是相戒也顯周公箕子之所陳周公作無逸立政二

武王陳洪範九疇之義並見尚書觀乎人文化成天下易賁卦曰觀乎天

人文化成天下注云解天之文則陛下既廣納易賁卦曰觀乎天

開四聰無令芻蕘以言得罪芻蕘採薪者也大雅

顯巖穴以求仁賢無使幽遠獨有遺失十二年遷

為侍中免永初二年詔公卿舉儒術篤學者大將

軍鄧騭舉不再遷復為侍中左中郎將再為三老

三老解見五年年七十五卒於官

明帝紀也

魯石

魏霸傳

魏霸字喬卿濟陰句陽人也句音音世有禮義霸朝少喪親兄弟同居州里慕其雍和建初中舉孝廉八遷和帝時為鉅鹿太守以簡朴寬恕為政掾史有過要先誨其失不改者乃罷之吏或相毀訐霸輒稱它吏之長終不及人短言者懷慙譖訟遂息永元十六年徵拜將作大匠明年和帝崩典作順陵時盛冬地凍中使督促數罰縣吏以厲霸霸撫循而已初不切責而反勞之曰令諸卿被辱大匠過也吏皆懷恩力作倍功延平元年代尹勤為太常

後傳十五

十四

明年以病致仕為光祿大夫永初五年拜長樂衛尉以病乞身復為光祿大夫卒於官

劉寬傳

劉寬字文饒弘農華陰人也

謝承書曰寬少學歐陽尚書京氏易尤明韓詩外傳

星官風角筭歷皆究極師法稱為通儒未嘗與人爭執利之事也隅角也觀四隅之風占之也

父崎順帝

時為司徒

崎音丘宜反

寬嘗行有人失牛者乃就寬車

中認之寬無所言下駕步歸有頃認者得牛而送

還叩頭謝曰慙負長者隨所刑罪寬曰物有相類

事容脫誤幸勞見歸何為謝之州里服其不校

校報

也論語曰曾子曰犯而不校

桓帝時大將軍辟五遷司徒長史

大將



軍梁東時京師地震特見詢問再遷出為東海相東

王彊曾孫延熹八年徵拜尚書令遷南陽太守典歷

三郡温仁多恕雖在倉卒未嘗疾言遽色常以為

齊之以刑民免而無恥吏人有過但用蒲鞭罰之

示辱而已終不加苦事有功善推之自下灾異或

見引躬克責每行縣止息亭傳輒引學官祭酒及

處士諸生執經對講續漢書曰博士祭酒秩六百石祭酒

本僕射也十與改為祭酒處士有道

執而在家者見父老慰以農里之言少年勉以孝悌之訓

人感德興行日有所化靈帝初徵拜太中大夫侍

講華光殿洛陽宮殿簿云華遷侍中賜衣一襲轉屯

騎校尉遷宗正轉光祿勳嘉平五年代許訓為太

尉漢官儀曰許訓靈帝頗好學藝每引見寬常令講

經寬常於坐被酒睡伏被加也為酒所加帝問太尉

醉邪寬仰對曰臣不敢醉但任重責大憂心如醉

帝重其言寬簡略嗜酒不好盥浴說文曰澡手京師

以為諺嘗坐客遣蒼頭市酒迂久大醉而還迂久猶

容不堪之罵曰畜產寬須臾遣人視奴疑必自殺

顧左右曰此人也罵言畜產辱孰甚焉故吾懼其

死也夫人欲試寬令恚伺當期會裝嚴已訖使侍

婢奉肉羹翻汗朝衣婢遽收之寬神色不異乃徐

劉寬

言曰羹爛汝手其性度如此海內稱為長者後以  
日食策免拜衛尉光和三年復代段熲為太尉在  
職三年以日變免又拜永樂少府遷光祿勳以先  
策黃巾逆謀先策謂預知也以事上聞封遂鄉侯六百戶  
錄音中平二年卒時年六十六贈車騎將軍印綬位  
特進謚曰昭列侯子松嗣官至宗正

贊曰卓魯款款情慤德滿款款忠誠也仁感昆蟲愛及

胎外童兒不捕雉也寬霸臨政亦稱優緩

卓魯魏劉列傳第十五

伏侯宋蔡馮趙牟韋列傳第十六 後漢書二十六

伏湛傳 子隆

伏湛字惠公琅邪東武人也九世祖勝字子賤所謂濟南伏生者也湛高祖父孺武帝時客授東武因家焉父理為當世名儒以詩授成帝為高密太傅別自名學為高密王寬傳也寬武帝女孫廣陵王胥後也前書儒林傳曰伏理字君游受詩於任

由是齊詩有任伏之學故言別自名學也湛性孝友少傳父業教授數百人

成帝時以父任為博士弟子五遷至王莽時為繡

衣執法武帝置繡衣御史王莽改御史曰執法故曰繡衣執法也使督大姦遷後隊

屬正王莽改河內為後隊更始立以為平原太守時倉卒兵起

天下驚擾而湛獨晏然教授不廢謂妻子曰夫一

穀不登國君徹膳禮記曰年穀不登君膳不祭肺今民皆飢奈何獨

飽乃共食麤糲糲米也九章筭術曰粟五十糲率二十七一斛粟得六斗米為糲也悉分奉

祿以賑鄉里來客者百餘家時門下督素有氣力

謀欲為湛起兵湛惡其惑眾即收斬之徇首城郭

以示百姓於是吏人信向郡內以安平原一境湛

所全也光武即位知湛名儒舊臣欲令幹任內職

也徵拜尚書使典定舊制時大司徒鄧禹西征

關中帝以湛才任宰相拜為司直行大司徒事車

駕每出征伐常留鎮守總攝羣司建武三年遂代

鄧禹為大司徒封陽都侯陽都縣名屬城陽國故時城在今沂州沂水縣東

彭寵反於漁陽帝欲自征之湛上疏諫曰臣聞文

王受命而征伐五國五國謂西伯受命伐大夷伐密須伐耆伐邢伐崇見史記必先

詢之同姓然後謀於羣臣加占著龜以定行事書曰

謀及卿士謀及卜筮又曰文王唯卜用克故謀則成卜則

吉戰則勝其詩曰帝謂文王詢爾仇方同爾兄弟

以爾鈞援與爾臨衝以伐崇庸詩大雅也仇匹也鈞援梯所引上城也臨衝車

也衝衝車也庸城也崇侯倡紂為無道故伐焉崇國城守先退後伐左氏傳曰文

而伐之軍三旬而不降退所以重人命俟時而動故參

分天下而有其二陛下承大亂之極受命而帝與

後傳十一

二

明祖宗出入四年而滅檀鄉制五校降銅馬破赤

眉誅鄧奉之屬不為無功今京師空匱資用不足

未能服近而先事邊外且漁陽之地逼接北狄黠

虜困迫必求其助又今所過縣邑尤為困乏種麥

之家多在城郭聞官兵將至當已收之矣大軍遠

涉二千餘里士馬罷勞轉糧艱阻今充豫青冀中

國之都而寇賊從橫未及從化漁陽以東本備邊

塞地接外虜貢稅微薄安平之時尚資內郡況今

荒耗豈足先圖而陛下捨近務遠棄易求難四方

疑恠百姓怨懼誠臣之所惑也復願遠覽文王重

伏甚

兵博謀近思征伐前後之宜顧問有司使極愚誠  
采其所長擇之聖慮以中士為憂念帝覽其奏竟

不親征時賊徐異卿等異卿即獲索賊帥徐少也萬餘人據富平

連攻之不下富平縣名屬平原郡故城今棗州厭次縣也唯云願降司徒伏

公帝知湛為青徐所信向遣到平原異卿等即日

歸降護送洛陽湛雖在倉卒造次必於文德以為

禮樂政化之首顛沛猶不可違顛沛猶僵仆也是歲奏行

鄉飲酒禮遂施行之其冬車駕征張步留湛居守

時蒸祭高廟祭曰蒸也而河南尹司隸校尉於朝中

爭論湛不舉奏坐策免六年徙封不其侯邑三千

後傳十六

六百戶遣就國不其縣名屬琅邪郡其音基後南陽太守杜詩上

疏薦湛曰臣聞唐虞以股肱康文王以多士寧是

故詩稱濟濟書曰良哉大雅詩曰濟濟多士尚書曰股肱良哉臣詩竊

見故大司徒陽都侯伏湛自行束脩訖無毀玷竟

也玷缺也自行束脩謂年十五以上篤信好學守死善道經為人師行

為儀表前在河內朝歌及居平原朝歌河內縣名也故城在今衛州衛縣西

王莽改河內為後隊謂湛為隊屬下也吏人畏愛則而象之遭時反覆不

離兵凶秉節持重有不可奪之志陛下深知其能

顯以宰相之重眾賢百姓仰望德義微過斥退久

不復用有識所惜儒士痛心臣竊傷之湛容貌堂

堂國之光暉堂堂盛威儀也智略謀慮朝之淵數髮髮屬

志白首不衰髮髮也髮髮也髮髮也實足以先後王至名

足以先示遠人先後相道也詩大雅曰予曰有先後先音先見反後音胡口反古者選

擢諸侯以為公卿是故四方回首仰望京師左傳曰

莊公為平王卿士東觀記曰時上書武公莊公所以砥礪蕃屏勸進忠信令四方諸侯咸樂回首仰望京師柱石

之臣宜居輔弼柱石承棟梁也前書曰延年曰將軍為國柱石尚書大傳曰古者天子必有四鄰前

曰疑後曰承左曰輔右曰弼天子有問無以對責之疑可志而不志責之承可正而不正責之輔可揚而不揚責之彌出

入禁門補缺拾遺臣詩愚戇不足以知宰相之才

竊懷區區敢不自竭臣則為侍御史上封事言湛

公廉愛下好惡分明累世儒學素持名信經明行

後傳十六

四

修通達國政尤宜近侍納言左右舊制九州五尚

書令一郡二人蓋舊制九州共選五人以任尚書令則一郡乃有二人故欲以湛代一人之處劉

放曰案一正文令合作今尚書令不可有五一人若言令一郡二人又無義改作今乃與三合可以湛代頗

為執事所非但臣詩蒙恩深渥所誠有益於國

雖死無恨故復越職觸冒以聞十二年夏徵勅尚

書擇拜吏日及就位因讌見中暑病卒賜祕器帝

親弔祠遣使者送喪脩冢二子隆翁翁嗣爵卒子

光嗣光卒子晨嗣東觀記曰晨尚高平公主晨謙敬博愛好學尤篤

以女孫為順帝貴人奉朝請位特進卒子無忌嗣

亦傳家學博物多識順帝時為侍中屯騎校尉水

和元年詔無忌與議郎黃景校定中書五經諸子

百家藝術中書內中之書也藝文志曰諸子九一百八十九家言百家舉其成數也藝謂書數射御術謂數方

元嘉中桓帝復詔無忌與黃景崔寔等共撰漢

記又自采集古今刪著事要號曰伏侯注其書上自黃帝下盡

漢質帝為八卷見行於今無忌卒子質嗣官至大司農質卒子完

嗣尚桓帝女陽安長公主女為孝獻皇后曹操殺

后誅伏氏國除初自伏生已後世傳經學清靜無

競故東州號為伏不鬪

隆字伯文少以節操立名東觀記隆作盛字伯明仕郡督郵

建武二年詣懷宮光武甚親接之時張步兄弟各

後傳十九

五

擁彊兵據有齊地拜隆為太中大夫持節使青徐

二州招降郡國隆移檄告曰乃者猾臣王莽殺帝

盜位宗室興兵除亂誅莽故羣下推立聖公以主

宗廟而任用賊臣殺戮賢良三王作亂盜賊從橫

忤逆天心三王見聖公傳卒為赤眉所害皇天祐漢聖哲應

期陛下神武奮發以少制衆故尋邑以百萬之軍

潰散於昆陽王郎以全趙之師上崩於邯鄲全趙謂舉趙之

地大彤高胡望旗消靡鐵脰五校莫不摧破梁王

劉永幸以宗室屬籍爵為侯王不知厭足自求禍

棄遂封爵牧守造為詐逆今虎牙大將軍屯營十

伏湛 伏隆

萬已拔睢陽劉永奔進家已族矣此諸君所聞也

不先自圖後悔何及青徐羣盜得此惶怖獲索賊

右師郎等六校即時皆降右或為占張步遣使隨隆東觀

記步遣其掾詣闕上書獻鰓魚郭璞注五倉云鰓似蛤漏

草云石決明一名鰓魚音步角反其冬拜隆光祿大夫復

使於步并與新除青州牧守及都尉俱東詔隆輒

拜令長以下隆招懷綏緝多乘降附帝嘉其功比

之酈生酈生酈食其也說齊王廣下即拜步為東萊太

守而劉永亦復遣使立步為齊王步貪受王爵宄

豫未決允音以隆曉譬曰高祖與天下約非劉氏

後傳十六

六

不王今可得為十萬戶侯耳步步欲留隆與共守二

州隆不聽二州青州徐州也求得反命步步遂執隆而受永封

隆遣間使上書曰臣隆奉使無狀言罪大也受執凶逆

雖在困危授命不顧又吏人知步反畔心不附之

願以時進兵無以臣隆為念臣隆得生到闕廷受

誅有司此其大願若令沒身寇手以父母昆弟長

累陛下累託也音力偽反陛下與皇后太子永享萬國與天

無極帝得隆奏召父湛流涕以示之曰隆可謂有

蘇武之節武帝時蘇武使匈奴會衛律所將降者陰相與謀

武受辭武不屈節引佩刀自刺單于欲降武武不降杖節牧羊

海上卧起操持節節影盡落在匈奴中十九年乃得歸漢見前

伏隆



也書恨不且許而遽求還也其後步遂殺之時人莫不憐哀焉五子張步平車駕幸北海詔隆中弟咸收隆喪賜給棺斂大中大夫護送喪事詔告琅邪作家以子瑗為郎中

### 侯霸傳

侯霸字君房河南密人也族父淵以官者有才辯任職元帝時佐石顯等領中書號曰太常侍成帝時任霸為太子舍人漢官儀曰太子舍人選良家子孫秩二百石霸矜嚴有威容家累千金不事產業篤志好學師事九江太守房元治穀梁春秋為元都講東觀記曰從鍾寧君受律也王

大二三册尹

後傳上八

七

莽初五威司命陳崇舉霸德行遷隨宰

王莽署五威司命將

軍又改縣令長曰宰隨縣名屬南陽郡今隨州縣也

縣界曠遠濱帶江湖而亡命

者多為寇盜霸到即案誅豪猾分捕山賊縣中清

靜再遷為執法刺姦

王莽傳曰置執法左右刺姦選能吏侯霸等分督六尉六隊如漢刺史

糾案執位者無所疑憚後為淮平大尹政理有能

名

王莽改臨淮郡為淮平

及王莽之敗霸保固自守卒全一郡

更始元年遣使徵霸

東觀記曰遣謁者侯盛荆州刺史費遂齎璽書徵霸

百姓

老弱相攜號哭遮使者車或當道而卧皆曰願乞

侯君復留暮年民至乃戒乳婦勿得舉子侯君當

去必不能全使者慮霸就徵臨淮必亂不敢授璽

書具以狀聞會更始敗道路不通建武四年光武  
徵霸與車駕會壽春拜尚書令時無故典朝廷又  
少舊臣霸明習故事收錄遺文條奏前世善政法  
度有益於時者皆施行之每春下寬大之詔奉四  
時之令皆霸所建也月令春布德行慶施惠下人故明

年代伏湛為大司徒封關內侯在位明察守正奉

公不回十三年霸薨帝深傷惜之親自臨弔下詔

曰惟霸積善清潔親事九年漢家舊制丞相拜日

封為列侯漢自高祖以列侯為丞相武帝以元勳佐命皆朕

以軍師暴露功臣未封緣忠臣之義不欲相踰未

大三十四十五

後傳十九

八

及爵命奄然而終嗚呼哀哉於是追封謚霸則鄉

哀侯食邑二千六百戶子昱嗣臨淮吏人共為立

祠四時祭焉以沛郡太守韓歆代霸為大司徒歆

字翁君南陽人以從攻伐有功封扶陽侯好直言

無隱諱帝每不能容嘗因朝會聞帝讀隗囂公孫

述相與書歆曰亡國之君皆有才桀紂亦有才帝

大怒以為激發歆又證歲將飢凶指天畫地言其

剛切坐免歸田里帝猶不懌復遣使宣詔責其司

隸校尉鮑永固請不能得歆及子嬰竟自殺歆素

有重名死非其罪衆多不厭厭音一帝乃追賜錢

侯霸

穀以成禮葬之

成禮具禮也言不以非命而降其葬禮

後千乘歐陽歙

清河戴涉相代為大司徒坐事下獄死自是大臣

難居相任其後河內蔡茂京兆玉沉玉音魏郡馮

勤皆得薨位況字文伯性聰敏為陳留太守以德

行化人遷司徒四年薨立後徙封於陵侯於陵縣名屬濟南郡

故城在今淄州長山縣南永平中兼太僕是卒子建嗣建卒子昌

嗣

### 宋弘傳

宋弘字仲子京兆長安人也父尚成帝時至少府

哀帝立以不附董賢違忤抵罪弘少而溫順哀平

大三元十

後傳十一

九

間作待中王莽時為共工王莽改少府曰共工赤眉入長安遣

使徵弘逼迫不得已行至渭橋自投於水家人救

得出因佯死獲免光武即位徵拜太中大夫建武

二年代王梁為大司空封桐邑侯桐音洵所得租奉

分贍九族家無資產以清行致稱徙封宜平侯帝

嘗問弘通博之士弘乃薦沛國桓譚才學洽聞幾

能及揚雄劉向父子幾音祈治浹洽也幾近也前書班固曰谷水經書汎為跡達不能浹洽如

劉向父子及揚雄也故弘引焉於是召譚拜議郎給事中帝每譙輒

令鼓琴好其繁聲弘聞之不悅悔於薦舉伺譚內

出正朝服坐府上遣吏召之譚至不與席而讓之

宋弘

曰吾所以薦子者欲令輔國家以道德也而今數

進鄭聲以亂雅頌非忠正者也論語孔子曰惡鄭聲之亂雅樂也史記曰鄭音

好濫淫志也能自改邪將令相舉以法乎譚頓首辭謝良

久乃遣之後大會羣臣帝使譚鼓琴譚見弘失其

常度帝怪而問之弘乃離席免冠謝曰臣所以薦

桓譚者望能以忠正導主而令朝廷耽悅鄭聲臣

之罪也帝改容謝使反服其後遂不復令譚給事

中弘雅進賢士馮翊桓梁二十餘人或相及為公

卿者及猶繼也弘當讌見劉放曰案大當合作嘗御坐新屏風圖畫

列女帝數顧視之弘正容言曰未見好德如好色

者帝即為徹之笑謂弘曰聞義則服可乎對曰

陛下進德臣不勝其喜時帝姊湖陽公主新寡帝

與其論朝臣微觀其意主曰宋公威容德器羣臣

莫及帝曰方且圖之後弘被引見帝令主坐屏風

後因謂弘曰諺言貴易交富易妻人情乎弘曰臣

聞貧賤之知不可忘糟糠之妻不下堂帝顧謂主

曰事不諧矣弘在位五年坐考上黨太守無所據

免歸第言無罪狀可據數年卒無子國除弘弟嵩以剛彊

孝烈著名官至河南尹嵩子由章和間為太尉坐

阿黨賞憲策免歸本郡自殺由二子漢登登在儒林

宋弘

後傳十六

十

傳漢字仲和以經行著名舉茂才西遷西河太守

永建元年為東平相度遼將軍為東平王蒼曾孫端相也立名

節以威恩著稱遷太僕上病自乞拜太中大夫卒

策曰太中大夫宋漢清修雪白正直無邪前在方

外仍統軍實仍頻也統領也軍實謂軍之資也左傳曰隳軍實懷柔異類莫

匪嘉績戎車載戰邊人用寧予錄乃勳引登九列

因病退讓守約彌堅將授三事未剋而終朝廷慙

悼但其愴然詩不云乎肇敏戎功用錫爾祉大雅江漢之詩

也古用美宣王能興衰撥亂命召公平淮夷毛萇注云肇謀也敏疾也戎大也功事也祉謂福慶其令將相

大夫會葬加賜錢十萬及其在賓以全素系羔羊

之縈焉詩國風曰羔羊之皮素絲五紵退食自公委蛇委蛇

食從於公事行子則字元矩為鄆陵令亦有名迹拔同

郡韋著扶風法真稱為知人則子年十歲與蒼頭

共弩射蒼頭弦斷矢激誤中之即死奴叩頭就誅

則察而恕之潁川荀爽以為美時人亦服焉

論曰中興以後居台相總權衡多矣其能以任職

取名者豈非先遠業後小數哉遠業謂德禮小數謂名法也故惠

公造次急於鄉射之禮君防入朝先奏寬大之令

夫器博者無近用道長者其功遠蓋志士仁人所

為根心者也根猶本也君子以之得固貴矣以之失亦

宋弘

後傳一六

十一

得矣

以之得謂行道義而得固可貴矣以之失謂行道義而失亦為得也

宋弘止繁聲戒

淫色其有關雎之風乎

詩序曰關雎樂得淑女以配君子憂在進賢不淫其色也

### 蔡茂傳

郭賀附

蔡茂字子禮河內懷人也哀平間以儒學顯徵試博士對策陳灾異以高等擢拜議郎遷侍中遇王莽居攝以病自免不仕莽朝會天下擾亂茂素與竇融善因避難歸之融欲以為張掖太守固辭不就母所餉給計口取足而已後與融俱徵復拜議郎再遷廣漢太守有政績稱時陰氏賓客在郡界多犯吏禁茂輒糾案無所回避會洛陽令董宣舉

後傳十六

十一

糾湖陽主帝始怒收宣既而赦之茂喜宣剛正欲令朝廷禁制貴戚乃上書曰臣聞興化致教必由進善康國寧人莫大聖德係興再隆天命即位以來四海晏然誠宜夙興夜寐雖休勿休然頃者貴戚椒房之家數因恩執干犯吏禁殺人不死傷人不論臣恐繩墨棄而不用繩墨論章程也斧斤廢而不舉斧斤謂刑戮也賈誼曰釋斤斧之用也近湖陽公主奴殺人西市而與主共輿出入宮省逋罪積日冤魂不報洛陽令董宣直道不顧干主討姦陛下不先澄審召欲加箠當宣受怒之初京師側耳及其蒙宥天

蔡茂

下拭目今者外戚僭逸賓客放濫宜勅有司案理  
姦罪使執平之吏永申其用以厭遠近不緝之情

光武納之也緝叶建武二十年代戴涉為司徒在職

清儉匪懈二十三年薨于位時年七十二賜東園

梓棺賻贈甚厚東園著名主作棺也茂初在廣漢夢坐大殿

極上有二穗禾茂跳取之得其中穗輒復失之屋

大者古通呼為殿也極殿梁也前以問主簿郭賀賀離

席慶曰大殿者官府之形象也極而有禾人臣之

上祿也取中穗是中台之位也於字禾失為秩雖

曰失之乃所以得祿秩也衮職有闕君其補之三公

後傳一六

一三

服衮畫為龍龍首衮衮然故言龍旬月而茂徵焉乃辟

賀為掾賀字喬鄉雒陽人祖父堅伯父游君並修

清節不仕王莽賀能明法累官建武中為尚書令

在職六年曉習故事多所匡益拜荊州刺史引見

賞賜恩寵隆異及到官有殊政百姓便之歌曰厥

德仁明郭喬卿忠正朝廷上下平顯宗巡狩到南

陽特見嗟歎賜以三公之服黼黻冕旒三公服衮冕

若兩已相背冕以大為之衣以帛玄上纁下廣八寸長勅行

部去襜帷使百姓見其容服以章有德母所經過

吏人指以相示莫不榮之永平四年徵拜河南尹

茂示茂

以清靜稱在官三年卒詔書懃惜賜車一乘錢四十萬

### 馮勤傳

馮勤字偉伯魏郡繁陽人也曾祖父揚宣帝時為弘農太守有八子皆為二千石趙魏間榮之號曰萬石君焉兄弟形皆偉壯唯勤祖父偃長不滿七尺常自恥短陋恐子孫之似也東觀記偃為弘陽令乃為子伉娶長妻伉生勤長八尺二寸八歲善計計筭術也初為太守鈹期功曹有高能稱期常從光武征伐政事一以委勤勤同縣馮巡等舉兵應光武謀未成而

後傳十六

十四

為豪右焦廉等所反反音幡勤乃率將老母兄弟及

宗親歸期期悉以為腹心薦於光武初未被用後

乃除為郎中給事尚書東觀記魏郡太守范橫上疏薦勤然始除之以圖

議軍糧在事精勤遂見親識每引進帝輒顧謂左

右曰佳乎吏也由是使典諸侯封事勤差量功次

輕重國土遠近地勢豐薄不相踰越莫不厭服焉

自是封爵之制非勤不定帝益以為能尚書眾事

皆令總錄之司徒侯霸薦前梁令閭楊楊素有譏

議帝常嫌之既見霸奏疑其有姦大怒賜霸璽書

曰崇山幽都何可偶崇山南裔也幽都北裔也偶對也言將殺之不可得流徙也尚書辭流共



工於幽州故驪泉於崇山

黃鉞一下無處所

鉞斧也以黃金飾之所以戮人

欲以身

試法邪將殺身以成仁邪使勤奉策至司徒府勤還陳霸本意申釋事理帝意稍解拜勤尚書僕射職事十五年以勤勞賜爵關內侯遷尚書令拜大司農三歲遷司徒先是三公多見罪退帝賢勤欲令以善自終乃因讌見從容戒之曰朱浮上不忠於君下陵轢同列竟以中傷至今

朱浮為大司空坐賣弄國恩免又為陵轢

同列帝銜之惜其功不忍加罪

死生吉凶未可知豈不惜哉人臣放

逐受誅雖復追加賞賜賻祭不足以償不訾之身

此言量也言無量可比之貴重之極也訾與貧同

忠臣孝子覽照前世以為鏡誠

後傳十九

八十五

能盡忠於國事君無二則爵賞光乎當世功名列於不朽可不勉哉勤愈恭約盡忠號稱任職勤母年八十每會見詔勅勿拜令御者扶上殿謂諸王曰使勤貴寵者此母也其見親重如此中元元年

薨

東觀記曰中元元年車駕西幸長安祠園陵還勤燕見前殿盡日歸府因病端逆上使大醫療視賞賜錢帛遂薨

帝悼惜之使者弔賜東園祕器贈贈有加勤七子長子宗嗣至張掖屬國都尉中子順尚平陽長公主終於大鴻臚平陽主建初八年以順中子奮襲主爵為平陽侯薨無子永元七年詔書復封奮兄羽林右監勁為平陽侯奉公主之祀奮弟由黃門

馮蔚

侍郎尚平安公主

章帝女也臣賢案東觀記亦云安平皇后紀云由尚平邑公主紀傳不同未知孰是○劉放曰案傳作平安注云安平必有一誤然安平是縣名則安平是矣

勁薨子卯嗣卯延

光中為侍中薨子留嗣

### 趙熹傳

趙熹字伯陽南陽死人也少有節操從兄為人所殺無子熹年十五常思報之乃挾兵結客後遂往復仇而仇家皆疾病無相距者熹以因疾報殺非仁者心且釋之而去顧謂仇曰爾曹若健遠相避也仇皆卧自搏自搏猶叩頭也後病愈悉自縛詣熹熹不與相見後竟殺之更始即位舞陰大姓李氏擁城

後傳十九

十九

不下更始遣柱天將軍李寶降之不肯云聞死之

趙氏有孤孫熹信義著名願得降之更始乃徵熹

熹年未二十既引見更始笑曰繭栗犢豈能負重

致遠乎犢角如繭栗言小也禮緯曰天地之性角繭栗即除為郎中行偏將

軍事使詣舞陰而李氏遂降熹因進入潁川擊諸

不下者歷汝南界還宛更始大悅謂熹曰卿名家

駒努力勉之武帝謂劉德為千里駒故以熹比之會王莽遣王尋王

邑將兵出關更始乃拜熹為五威偏將軍使助諸

將拒尋邑於昆陽光武破尋邑熹被創有戰勞還

拜中郎將封勇功侯更始敗熹為赤眉兵所圍迫

趙熹

急乃踰屋亡走與所友善韓仲伯等數十人攜小  
弱越山阻徑出武關仲伯以婦色美慮有彊暴者  
而已受其害欲棄之於道熹責怒不聽因以泥塗  
仲伯婦面載以鹿車身自推之

風俗通曰俗說鹿車窄小載容一鹿

每

道逢賊或欲逼略熹輒言其病狀以此得免既入

丹水

丹水縣名屬南陽郡故城在今鄧州內鄉縣西南臨丹水

遇更始親屬皆裸

跣塗炭飢困不能前

塗炭者若陷泥墜火喻窮困之極也

熹見之悲感

所裝縑帛資糧悉以與之將護歸鄉里時鄧奉反

於南陽熹素與奉善數遺書切責之而讒者因言

熹與奉合謀帝以為疑及奉敗帝得熹書乃驚曰

卷之三十一

後傳一六

十七

趙熹真長者也即徵熹引見賜鞍馬待詔公車時

江南未賓道路不通以熹守簡陽侯相熹不肯受

兵

東觀記曰勅熹從騎都尉諸融受兵二百人通利道路熹曰上不願受融兵單車馳往度其形況上許之

單車

馳之簡陽吏民不欲內熹熹乃告壁呼城中大夫

示以國家威信其帥即開門面縛自歸由是諸營

壁悉降荆州牧秦熹才任理劇詔以為平林侯相

攻擊羣賊安集已降者縣邑平定後拜懷令大姓

李子春先為琅邪相豪猾并兼為人所患熹下車

聞其二孫殺人事未發覺即窮詰其姦收李子春

二孫自殺京師為請者數十終不聽時趙王良疾

病將終車駕親臨王問所欲言王曰素與李子春厚今犯罪懷令趙憲欲殺之願乞其命帝曰吏犯法律不可枉也更道它所欲王無復言既薨帝追感趙王乃貴出子春其年遷憲平原太守時平原多盜賊憲與諸郡討捕其渠帥餘黨當坐者數千人憲上言惡惡止其身公羊傳曰善善及子孫惡惡止其身可一切徙

京師近郡帝從之乃悉移置潁川陳留於是擢舉義行誅鋤姦惡後青州大蝗侵入平原界輒死歲屢有年百姓歌之二十六年帝延集內戚讌會歡甚諸夫人各各前言趙憲篤義多恩往遭赤眉出

四十一

後傳十六

十一

長安皆為憲所濟活帝甚嘉之後徵憲入為太僕引見謂曰卿非但為英雄所保也婦人亦懷卿之恩厚加賞賜二十七年拜太尉賜爵關內侯時南單于稱臣烏桓鮮卑並來入朝帝令憲典邊事思為久長規也規謀也憲上復緣邊諸郡幽并二州由是

而定

復音伏謂建武六年徙雲中五原人於常山居庸間至二十六年復令還雲中五原東觀記曰草創苟合未有

眾人蓋憲至此請徙之令及也三十年憲上言宜封禪正三雍之禮

中元元年從封泰山及帝崩憲受遺詔典喪禮是時藩王皆在京師自王莽篡亂舊典不存皇太子與東海王等雜止同席憲章無序憲乃正色橫劍

殿階扶下諸王以明尊卑時藩國官屬出入宮省  
與百僚無別憲乃表奏謁者將護分止它縣諸王  
並令就邸唯朝脯入臨整禮儀嚴門衛內外肅然  
永平元年封節鄉侯三年春坐考中山相薛脩事  
不實免脩光武子中山王焉相也其冬代竇融為衛尉八年代虞  
延行太尉事居府如真後遭母憂上疏乞身行喪  
禮顯宗不許遣使者為釋服賞賜恩寵其渥憲內  
典宿衛外幹宰職正身立朝未嘗懈惰及帝崩復  
典喪事再奉大行禮事脩舉肅宗即位進為太傅  
錄尚書事擢諸子為郎吏者七人長子代給事黃

門建初五年憲疾病帝親幸視及薨車駕往臨弔  
時年八十四謚曰正侯子代嗣官至越騎校尉永  
元中副行征西將軍劉尚征羌坐事下獄疾病物  
故和帝憐之賜祕器錢布贈越騎校尉節鄉侯印  
綬子直嗣官至步兵校尉直卒子淑嗣無子國除

### 牟融傳

牟融字子優北海安丘人也少博學以大夏侯尚  
書教授大夏侯名勝宣帝時人也門徒數百人名稱州里以司徒  
茂才為豐令司徒舉為茂才也豐今徐州縣也視事三年縣無獄訟  
為州郡最司徒范遷薦融忠正公方經行純備宜

在本朝并上其理狀

漢官儀曰范遷字子庸沛人也

永平五年入

代鮑昱為司隸校尉多所舉正百僚敬憚之八年

代包咸為大鴻臚十一年代鮭陽鴻為大司農

鮭陽姓也

音胡佳反

是時顯宗方勤萬幾公卿數朝會每輒延謀

政事判折獄訟融經明才高善論議朝廷皆服其

能帝數嗟歎以為才堪宰相明年代伏恭為司空

恭字叔齊伏湛同產兄弟也見東觀記

舉動方重其得大臣節肅宗即位

以融先朝名臣代趙熹為大尉與熹交錄尚書事

建初四年薨車駕親臨其喪時融長子麟歸鄉里

帝以其餘子幼弱勅太尉掾史教其威儀進止贈

後傳一

十

贈恩寵篤密焉又賜冢塋地於顯節陵下除麟為

郎

韋彪

族子義

韋彪字孟達扶風平陵人也高祖賢宣帝時為丞

相祖賞哀帝時為大司馬彪孝行純至父母卒哀

毀三年不出廬寢服竟羸瘠骨立異形醫藥數

年乃起好學洽聞雅稱儒宗建武末舉孝廉除郎

中以病免復歸教授安貧樂道恬於進趣三輔諸

儒莫不慕仰之顯宗聞彪名永平六年召拜謁者

賜以車馬衣服三遷魏郡太守肅宗即位以病免

徵為左中郎將長樂衛尉數陳政術每歸寬厚北上  
疏乞骸骨拜為奉車都尉秩中二千石賞賜恩寵侔  
於親戚建初七年車駕西巡狩以彪行大常從數  
召入問以三輔舊事禮儀風俗彪因建言今西巡  
舊都宜追錄高祖中宗功臣中宗宣帝褒顯先勲紀其  
子孫帝納之行至長安乃制詔京兆尹右扶風求  
蕭何霍光後時光無苗裔唯封何末孫熊為鄼侯  
建初二年已封曹參後曹湛為平陽侯故不復及  
焉乃厚賜彪錢珍羞食物使歸平陵上冢還拜大  
鴻臚是時陳事者多言郡國貢舉率非功次故守

後傳一六

廿一

職益懈而吏事寔疏咎在州郡有詔下公卿朝臣  
議彪上議曰伏惟明詔憂勞百姓垂恩選舉務得  
其人夫國以簡賢為務賢以孝行為首孔子曰事  
親孝故忠可移於君是以求忠臣必於孝子之門  
孝經緯夫人才行少能相兼是以孟公綽優於趙

魏老不可以為滕薛大夫

論語孔子之言也公綽魯大夫趙魏皆晉卿之邑也家臣

稱老公綽性寡欲趙魏老優閒無事

滕薛小國大夫職煩故不可為也忠孝之人持心近厚

鍛練之吏持心近薄

蒼頡篇曰鍛椎也鍛練猶成熟也

鑄鍛練使之成熟也前漢路

溫舒上疏曰鍛鍊而周內之三代之所以直道而行者

在其所以磨之故也

論語孔子曰吾之於人誰毀誰譽如有所譽者其有所試矣斯三代之所

以直道而行之彪引之者言古士宜以才行爲先不可

純以閎閱史記曰明其等然其要歸在於選二千石

二千石賢則貢舉皆得其人帝深納之彪以世承

二帝吏化之後多以苛刻爲能二帝光武明帝也又置官

選職不必以才因盛夏多寒上疏諫曰臣聞政化

之本必順陰陽伏見立夏以來當暑而寒殆以刑

罰刻急郡國不奉時令之所致也農人急於務而

苛吏奪其時賦發充常調而貪吏割其財此其巨

患也夫欲急人所務當先除其所患天下樞要在

於尚書百官志曰尚書主知公卿二千石尚書之選豈

後傳一六

廿二

可不重而間者多從郎官超升此位雖曉習文法

長於應對然察察小慧類無大能宜簡嘗歷州宰

素有名者雖進退舒遲時有不逮然端心向公奉

職周密宜鑒晉夫捷急之對登虎圈因問上林尉禽獸

薄不能對虎圈夫從旁代對登虎圈因問上林尉禽獸

喋利口捷急哉文帝曰善深思絳侯木訥之功也木質也

也前書曰周勃木疆少往時楚獄大起故置令吏以助郎

職而類多小人好爲姦利今者務簡可皆停省又諫

議之職應用公直之士通才蹇正有補益於朝者

今或從徵試輩爲大夫輩類也又御史外遷動據州



郡丞宜清選其任責以言績其二千石視事雖久而為吏民所便安者宜增秩重賞勿妄遷徙惟留聖心書奏帝納之元和二年春東巡狩以彪行司徒事從行還以病乞身帝遣小黃門太醫問病賜以食物彪遂稱困篤章和二年夏使謁者策詔曰彪以將相之裔勤身飭行出自州里在位歷載中被篤疾連上求退君年在耆艾禮記曰七十曰耆五十五曰艾不可復以加增恐職事煩碎重有損焉其上大鴻臚印綬其遣太子舍人詣中臧府受賜錢二十萬續漢志曰中臧府令一人秩六百石掌幣帛金錢貨物也永元元年卒詔尚書故大鴻臚章

後傳一六

廿三

彪在位無愆方欲錄用奄忽而卒其賜錢二十萬布百匹穀三千斛彪清儉好施祿賜分與宗族家無餘財著書上二篇號曰韋卿子族子義義字季節高祖父玄成元帝時為丞相初彪獨徙扶風故義猶為京兆杜陵人焉兄順字叔文平輿令有高名

平輿縣名屬汝南郡故城在今豫州汝陽縣東北

次兄豹字季明數辟公府輒以

不躋躋升也今歲垂書當選御史意在相薦子其宿

留乎宿留待也宿音秀留音力救反豹曰大馬齒衰旅力已劣旅眾也

也尚書曰番番良士旅力既愆仰慕崇恩故未能自割且眩瞶滯疾

五車彪

不堪久待

眩風疾也。督亂也。謂視不明之貌也。眩音縣。督音章。一講反。

選薦之私非所

敢當遂跣而起愷追之徑去不顧安帝西巡徵拜

議郎義少與二兄齊名初仕州郡太博拒焉辟舉

理劇為廣都長

廣都縣名屬蜀郡故城在今益州成都縣東南

甘陵陳二縣

令

甘陵故城在今貝州清河縣西北陳屬梁國今陳州

政甚有績官曹無事牢獄

空虛數上書順帝陳宜依古典考功黜陟徵集名

儒大定其制又譏切左右貶刺竇氏言既無感而

久抑不遷以兄順喪去官比辟公府不就廣都為

生立廟及卒三縣吏民為義舉哀若喪考妣豹子

著字休明少以經行知名不應州郡之命大將軍

後傳一三六

廿四

梁翼辟不就延熹二年桓帝公車備禮徵至霸陵

稱病歸乃入雲陽山采藥不返有司舉奏加罪帝

特原之復詔京兆尹重以禮敦勸著遂不就徵猶

也靈帝即位中常侍曹節以陳蕃竇氏既誅海內

多怨欲借寵時賢以為名假借時賢寵榮以求美名用解怨謗白帝就

家拜著東海相

東海王懿相也即東海王疆四代孫

詔書逼切不得已

解巾之郡

巾幅巾也既服冠冕故解幅巾

政任威刑為受罰者所奏

坐論輸左校

左校署名屬將作也

又後妻憍恣亂政以之失

名竟歸為姦人所害隱者恥之

贊曰湛霸奮庸維寧兩邦

尚書曰有能奮庸熙帝之載孔安國注曰奮起也庸

功也兩邦謂湛為王原淮人孺慕徐寇要降徐寇謂徐異  
太守霸為淮平大君理損牟公簡帝身終上衮  
謂不忘糟熹政多迹彪明  
伏公

伏侯宋蔡馮趙牟韋第十六





